0.0.1 sankhadhamasuttam

- 1. ekam samayam bhagavā nālandāyam viharati pāvārikambavane. atha kho asibandhakaputto gāmani yena bhagavā tenupasankami, upasankamitvā bhagavantam abhivādetvā ekamantam nisīdi, ekamantam nisinno kho asibandhakaputto gāmanī bhagavantam etadavoca: kathannukho gāmani, nigantho nātaputto sāvakānam dhammam desetīti.
- 2. evam kho bhante nigantho nātaputto sāvakānam dhammam deseti: yo koci pānamatipāteti¹ sabbo so āpāyiko nerayiko. yo koci adinnamādiyati sabbo so āpāyiko nerayiko. yo koci kāmesu micchā carati sabbo so āpāyiko nerayiko. yo koci musā bhanati sabbo so āpāyiko nerayiko. yam bahulam yam bahulam viharati tena tena niyyatīti². evam kho bhante nigantho nātaputto sāvakānam dhammam desetīti.
- 3. yam bahulam yam bahulanca gāmani viharati tena tena niyyatīti evam sante na koci āpāyiko nerayiko bhavissati yathā niganthassa nātaputtassa vacanam. tam kimmannasi gāmani yo so puriso pānātipātī, rattiyā vā divasassa vā samayāsamayam upādāya, katamo bahutaro samayo yam vā so pānam atipāteti yam vā so pānam nātipātetīti.

¹bhandadhovanamattampi - sīmu.

²sīyyātīti - ni 1.

- 4. yo so bhante puriso pāṇātipātī, rattiyā vā divasassa vā samayāsamayam upādāya appataro so samayo yam so pāṇam atipāteti. atha kho so va bahutaro samayo yam so pāṇam nātipātetīti. yam bahulam yam bahulanca gāmaṇi viharati tena tena nīyyatīti evam sante na koci āpāyiko nerayiko bhavissati yathā nigaṇṭhassa nātaputtassa vacanam.
- 5. taṃ kimmaññasi gāmaṇi, yo so puriso adinnādāyī, rattiyā vā divasassa vā samayāsamayaṃ upādāya katamo bahutaro samayo yaṃ vā so adinnaṃ ādiyati yaṃ vā so adinnaṃ nādiyatīti. yo so bhante puriso adinnādāyī rattiyā vā divasassa vā samayāsamayaṃ upādāya, appataro so samayo yaṃ so adinnaṃ ādiyati, atha kho sova bahutaro samayo yaṃ so adinnaṃ nādiyatīti. yaṃ bahulaṃ yaṃ bahulañca gāmaṇi viharati tena tena nīyyatīti, evaṃ sante na koci āpāyiko nerayiko bhavissati yathā nigaṇṭhassa nātaputtassa vacanaṃ.
- 6. taṃ kimmaññasi gāmaṇi yo so puriso kāmesu micchācārī, rattiyā vā divasassa vā samayāsamayaṃ upādāya katamo bahutaro samayo yaṃ vā so kāmesu micchā carati, yaṃ vā so kāmesu micchā na caratīti. yo so bhante puriso kāmesu micchācārī, rattiyā vā divasassa vā samayāsamayaṃ upādāya appataro so samayo yaṃ so kāmesu micchā carati. atha kho sova bahutaro samayo yaṃ so kāmesu micchā na carati. yaṃ bahulaṃ yaṃ bahulañca gāmaṇi viharati tena tena nīvayatīti, evam sante na koci āpāyiko nerayiko bhavis

sati yathā nigaņţhassa nātaputtassa vacanam.

- 7. taṃ kimmañasi gāmaṇi, yo so puriso musāvādī rattiyā vā divasassa vā samayāsamayaṃ upādāya katamo bahutaro samayo yaṃ vā so musā bhaṇati, yaṃ vā so musā na bhaṇatīti. yo so bhante puriso musāvādī rattiyā vā divasassa vā samayāsamayaṃ upādāya appataro so samayo yaṃ so musā bhaṇatī. atha kho sova bahutaro samayo yaṃ so musā na bhaṇatīti. yaṃ bahulaṃ yaṃ bahulañca gāmaṇi viharati tena tena nīyyatīti, evaṃ sante na koci āpāyiko nerayiko bhavissati yathā nigaṇṭhassa nātaputtassa vacanaṃ.
- 8. idha gāmaṇi ekacco satthā evaṃvādī hoti evaṃ diṭṭhi: yo koci pāṇamatipāteti sabbo so āpāyiko nerayiko, yo koci adinnaṃ ādiyati sabbo so āpāyiko nerayiko, yo koci kāmesu micchā carati sabbo so āpāyiko nerayikoti. tasmiṃ kho pana gāmaṇi satthari sāvako abhippasanno hoti, tassa evaṃ hoti mayhaṃ kho satthā evaṃ vādī evaṃ diṭṭhi: "yo koci pāṇamatipāteti sabbo so āpāyiko nerayikoti. atthi kho pana mayā pāṇo atipātito³ ahampi āpāyiko nerayikoti diṭṭhiṃ paṭilabhati. taṃ gāmaṇi vācaṃ appahāya taṃ cittaṃ appahāya taṃ diṭṭhiṃ appaṭinissajjitvā⁴ yathābhataṃ nikkhitto evaṃ niraye.

³atimāpito - sī 1, 2, syā.

⁴nissajitvā - syā.

- 9. mayham kho satthā evam vādī evam ditthi: "yo koci adinnam ādiyati sabbo so āpāyiko nerayiko" ti. atthi kho pana mayā adinnam ādinnam, ahampamhi āpāyiko nerayikoti ditthim patilabhati, tam gāmani vācam appahāya tam cittam appahāya tam ditthim appatinissajjitvā vathābhatam nikkhitto evam nirave.
- mayham kho satthā evam vādī evam ditthi: "yo koci kāmesu micachā carati, sabbo so āpāyiko nerayiko" ti. atthi kho pana mayā kāmesu micchācinnam⁵, ahampamhi āpāyiko nerayikoti ditthim patilabhati, tam gāmani vācam appahāya tam cittam appahāya tam ditthim appatinissajjitvā yathābhatam nikkhitto evam niraye.
- mayham kho satthā evam vādī evam ditthi: "yo koci musā bhanati sabbo so āpāyiko nerayiko" ti. atthi kho pana mayā musā bhanitam ahampamhi āpāyiko nerayikoti ditthim patilabhati, tam gamani vacam appahāya tam cittam appahāya tam ditthim appatinissajjitvā yathābhatam nikkhitto evam niraye.
- 12. idha pana gāmani tathāgato loke uppajjati araham sammāsambuddho vijjācaranasampanno sugato lokavidū anuttaro purisadammasārathī satthā devamanussānam buddho bhagavā. so aneka pariyāyena pānātipātam garahati vigarahati pānātipātāviramathāti cāha, adinnādānam garahati vigarahati ādinnādānā

⁵micchācārācinnam - syā.

viramathāti cāha, kāmesu micchācāram garahati vigarahati kāmesu micchācārā viramathāti cāha, musāvādam garahati vigarahati musāvādā viramathāti cāha.

- tasmim kho pana gāmani satthari sāvako abhippasanno hoti, so iti patisamcikkhati: bhaqavā kho anekapariyāyena pānātipātam garahati vigarahati pānātipātā viramathāti cāha: atthi kho pana mayā pāno atipātito vāvatako vā tāvatako vā; yo kho pana mayā pāno atipātito yāvatako vā tāvatako vā, tam na sutthu tam na sādhu. ahañceva kho pana tappaccayā vippatisārī assam na me tam pāpakam⁶ kammam akatam bhavissatīti, so iti patisankhāya tam ceva pānātipātam pajahati, āvatinca pānātipātā pativirato hoti; evametassa pāpassa kammassa pahānam hoti, evametassa pāpassa kammassa samatikkamo hoti.
- bhagavā kho anekapariyāyena adinnādānam garahati vigarahati adinnādāna viramathāti cāha: atthi kho pana mayā adinnam ādinnam yāvatakam vā tāvatakam vā; yam kho pana mayā adinnam ādinnam vāvatakam vā tāvatakam vā, tam na sutthu tam na sādhu. ahañceva kho pana tappaccavā vippatisārī assam na me tam pāpakam kammam akatam bhavissatīti, so iti patisankhāya tanceva adinnādānam pajahati, āyatiñca adinnādānā paţivirato hoti; evametassa pāpassa kammassa pahānam hoti, evametassa pāpassa kammassa samatikkamo hoti.

⁶pāpam - sī.

- 15. bhagavā kho anekapariyāyena kāmesu micchācāram garahati vigarahati kāmesu micchācārā viramathāti cāha: atthi kho pana mayā kāmesu micchāciṇṇaṃ yāvatakaṃ vā tāvatakaṃ vā; yaṃ kho pana mayā kāmesu micchāciṇṇaṃ yāvatakaṃ vā tāvatakaṃ vā, taṃ na suṭṭhu taṃ na sādhu. ahañceva kho pana tappaccayā vippaṭisārī assaṃ na me taṃ pāpakaṃ kammaṃ akataṃ bhavissatīti, so iti paṭisaṅkhāya taṃ ceva kāmesu micchācāraṃ pajahati, āyatiñca kāmesu micchācārā paṭivirato hoti; evametassa pāpassa kammassa pahānaṃ hoti, evametassa pāpassa kammassa samatikkamo hoti.
- 16. bhagavā kho anekapariyāyena musāvādam garahati vigarahati musāvadā viramathāti cāha: atthi kho pana mayā musā bhanitam yāvatakam vā tāvatakam vā; yam kho pana mayā musā bhanitam yāvatakam vā tāvatakam vā, tam na suṭṭhu tam na sādhu. ahanceva kho pana tappaccayā vippaṭisārī assam na me tam pāpakam kammam akatam bhavissatīti, so iti paṭisankhāya tam ceva musāvādam pajahati, āyatinca musāvādā paṭivirato hoti; evametassa pāpassa kammassa pahānam hoti, evametassa pāpassa kammassa samatikkamo hoti.
- 17. so pāṇātipātaṃ pahāya pāṇātipātā paṭivirato hoti adinnādānaṃ pahāya adinnādānā paṭivirato hoti, kāmesu micchācāraṃ pahāya kāmesu micchācārā paṭivirato hoti, musāvādaṃ pahāya musāvādā paṭivirato hoti, pisuṇāvācaṃ pahāya pisuṇāyavācāya paṭivirato

hoti, pharusaṃvācaṃ pahāya pharusāya vācāya paṭivirato hoti, samphappalāpaṃ pahāya samphappalāpā paṭivirato hoti, abhijjhaṃ pahāya anabhijjhālū hoti, vyāpādadosaṃ pahāya abyāpannacitto hoti, micchādiṭṭhiṃ pahāya sammādiṭṭhiko hoti.

- 18. sa kho so gāmaṇi ariyasāvako evaṃ vigatābhijjho vigatavyāpādo. asammūļho sampajāno patissato mettāsahagatena cetasā ekaṃ disaṃ pharitvā viharati, tathā dutiyaṃ, tathā tatiyaṃ, tathā catutthiṃ; iti uddhamadhotiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena avyāpajjhena pharitvā viharati. seyyathāpi gāmaṇi balavā saṅkhadhamo appakasireneva catuddisā viññāpeyya, evameva kho gāmaṇi evaṃ bhāvitāya mettāya cetovimuttiyā evaṃ bahulīkatāya yaṃ pamāṇakataṃ kammaṃ na taṃ tatrāvasissati, na tam tatrāvatitthati.
- 19. sa kho so gāmaṇi ariyasāvako evaṃ vigatābhijjho vigatavyāpādo. asammūļho sampajāno patissato karuṇāsahagatena cetasā ekaṃ disaṃ pharitvā viharati, tathā dutiyaṃ, tathā tatiyaṃ, tathā catutthiṃ; iti uddhamadhotiriyaṃ sabbadhi sabbattatāya sabbāvantaṃ lokaṃ karuṇāsahagatena cetasā vipulena mahaggatena appamāṇena averena avyāpajjhena pharitvā viharati. seyyathāpi gāmaṇi balavā saṅkhadhamo appakasireneva catuddisā viññāpeyya, evameva kho gāmaṇi evaṃ bhāvitāya karuṇāya cetovimuttiyā evaṃ bahulīkatāya yaṃ pamāṇakataṃ kammaṃ na taṃ ta-

trāvasissati, na tam tatrāvatiţţhati.

- 20. sa kho so gāmaṇi ariyasāvako evaṃ vigatābhijjho vigatavyāpādo. asammūļho sampajāno patissato muditāsahagatena cetasā ekaṃ disaṃ pharitvā viharati, tathā dutiyaṃ, tathā tatiyaṃ, tathā catutthiṃ; iti uddhamadhotiriyaṃ sabbadhi sabbattatāya sabbāvantaṃ lokaṃ muditāsahagatena cetasā vipulena mahaggatena appamāṇena averena avyāpajjhena pharitvā viharati. seyyathāpi gāmaṇi balavā saṅkhadhamo appakasireneva catuddisā viññāpeyya, evameva kho gāmaṇi evaṃ bhāvitāya muditāya cetovimuttiyā evaṃ bahulīkatāya yaṃ pamāṇakataṃ kammaṃ na taṃ tatrāvasissati, na taṃ tatrāvatiṭṭhati.
- 21. sa kho so gāmaṇi ariyasāvako evaṃ vigatābhijjho vigatavyāpādo. asammūļho sampajāno patissato upekhāsahagatena cetasā ekaṃ disaṃ pharitvā viharati, tathā dutiyaṃ, tathā tatiyaṃ, tathā catutthiṃ; iti uddhamadhotiriyaṃ sabbadhi sabbattatāya sabbāvantaṃ lokaṃ upekhāsahagatena cetasā vipulena mahaggatena appamāṇena averena avyāpajjhena pharitvā viharati. seyyathāpi gāmaṇi balavā saṅkhadhamo appakasireneva catuddisā viññāpeyya, evameva kho gāmaṇi evaṃ bhāvitāya upekhāya cetovimuttiyā evaṃ bahulīkatāya yaṃ pamāṇakataṃ kammaṃ na taṃ tatrāvasissati, na taṃ tatrāvatiṭṭhati.
- **22.** evam vutte asibandhakaputto gāmaṇī bhagavantam etadavoca: abhikkantam bhante abhikkantam bhante

seyyathāpi bhante nikkujjitam vā ukkujjeyya, paṭicchannam vā vivareyya, mūļahassa vā maggam ācikkheyya andhakāre vā tela pajjotam dhāreyya cakkhumanto rūpāni dakkhintīti, evamevam bhagavatā anekapariyāyena dhammo pakāsito, esāham bhante bhagavantam saraṇam gacchāmi dhammanca bhikkhusanganca, upāsakam mam bhagavā dhāretu ajjatagge pāṇupetam saraṇam gatanti.